


特 241

25

東萊趙琪畧歷



始



特241
25

緒言


予友趙君瑞泉當代傑士也今方任青島特別市市長
 兼華北政務委員會委員抱經世才略具世界眼光溯
 自筮仕以還政聲治績昭昭在人耳目有口皆碑名馳
 中外而瑞泉則自視欲然不矜不伐其謙懷撫抑實深
 欽佩茲經鄉里耆舊周諮博訪綜其以前行誼事實輯
 為略歷併各出所存肖像影印成帙庶使當世咸識其



胡家法氏寄贈本

人而知其事聊慰景仰之忱云爾爰綴數言弁諸簡端
庚辰年三月古元和鈍齋吳郁生撰于青島寓樓時年

八十有七




[Faint vertical text, likely bleed-through from the reverse side of the page]



趙琪肖像


光緒三十年任縣子務司繙兼洋案
趙琪五十二歲肖像



趙琪五十二歲肖像

趙琪肖像

光緒三十四年調充津浦鐵路北段繙譯委員時攝



趙琪七十二歲肖像



趙琪二十五歲肖像

宣統三年任津浦鐵路北段
譯委段繙北段繙委
員併德與銀華行訟
影時訴



趙琪三十歲肖像

宣統三年任津浦鐵路北段
譯委段繙北段繙委
員併德與銀華行訟
影時訴



宣統三年任津浦鐵路北段
譯委段繙北段繙委
員併德與銀華行訟
影時訴

民國五年任滬警
察廳督察長兼
高等外交顧問
時攝



趙琪三十五歲肖像

蘇州府知府
蘇州府知府
蘇州府知府
蘇州府知府
蘇州府知府
蘇州府知府
蘇州府知府
蘇州府知府
蘇州府知府
蘇州府知府



趙琪三十五歲肖像

民國六年由龍口赴龍口
龍口商埠興築公司總理
時攝



趙琪三十六歲肖像

利國銀行
高利貸
管理
開辦



趙琪三十六歲肖像

民國十年任龍口埠兼辦龍口交涉事宜攝影



趙琪十四歲肖像

民國十年任龍口埠兼辦龍口交涉事宜攝影



趙琪十四歲肖像

民十年奉調直赴北公併岡川艦吳孚將時
三冬派奉爭湖鷄山黃軍謁佩上軍攝



趙琪四十三歲肖像



趙琪四十三歲肖像

民國十四年任膠澳商埠督辦時攝



趙琪四十四歲肖像

民國十六年奉命以全權公使記名時攝



趙琪四十六歲肖像

民國十六年奉命以全權公使記名時攝



趙琪四十六歲肖像

民國十八年四月通電下野離青時攝影



趙琪四十八歲肖像

民國十八年四月通電下野離青時攝影



趙琪四十八歲肖像

民國二十年冬
回青隱居
續修族譜
蒐集先世
遺著
時攝




趙琪十五歲肖像

民國二十年冬
回青隱居
續修族譜
蒐集先世
遺著
時攝



趙琪十五歲肖像

民國二十六年
蘆溝橋事變後
攜眷離青避居
天津時攝




趙琪五十六歲肖像

第一卷 第四期 第四頁




民國二十六年

民國二十七年一月奉回中外各界推為島安會持會長
時會持安島為公各中回奉一七二民
攝長會維治青推界外青命月年十國




趙琪七十五歲肖像

民國二十七年一月奉回中外各界推為島安會持會長




趙琪七十五歲肖像

民國廿八年一月八日
青島特別市長兼臨時政府委員
趙琪八十五歲肖像



趙琪八十五歲肖像

民國廿八年一月八日
青島特別市長兼臨時政府委員
趙琪八十五歲肖像



趙琪八十五歲肖像

民國二十九年三月三日 青島舉行祝國南政還都典禮攝影
民國二十九年三月三日 青島舉行祝國南政還都典禮攝影



趙琪五十九歲最近肖像

民國二十九年三月三日 青島舉行祝國南政還都典禮攝影
民國二十九年三月三日 青島舉行祝國南政還都典禮攝影



趙琪五十九歲最近肖像

臨時政府委員兼青島特別市市長趙琪略歷

趙琪，字瑞泉，山東掖縣人也，其先爲蜀人，明初遷於掖，遂爲邑之望族，其六世從祖見田公，昆仲三人，明萬曆間，仕至卿相，號東萊三鳳，八世從祖琨石公，明崇禎間，拜東閣大學士，昆仲五人，俱爲顯宦，世稱趙氏五龍，自明迄清，簪纓相繼，考祥齋公，學優不仕，妣楊太夫人，爲同邑名家女，幼嫻禮教，以賢孝聞，子五人，惟君最幼，奇疑英穎，見者卽許爲大器，清光緒二十四年，德佔膠州灣，祥齋公以外患日迫，非有新知實學，不足以應世變，命君負笈赴青，考入德文學校，

弱冠畢業，初充青島巡警廳繙譯，嗣調充膠濟鐵路繙譯，金嶺鎮鑛務公司繙譯，升充濰縣坊子鑛務公司總繙譯，兼華洋文案，三十四年津浦鐵路北段總辦李公德順，調爲繙譯委員，是時象晉之學，士大夫習者尙鮮，君英才卓犖，素爲德人所欽重，是以當道競相延攬，宣統三年，君在津浦鐵路泰安工次，適濟南德華銀行筆記室，挾華人存款數十萬以遁，德華藉詞圖賴，債權人憤甚，顧計未有所出也，君乃毅然主與訟，且願任奔走交涉之難，於是公推爲代表，與德華銀行對簿，已獲直矣，德華銀行復上控於其國之最高法院，是時津浦鐵路工程將竣，君

爲義憤所激，乃於民國二年，決意辭職，遠涉重洋，與德華銀行辨曲直於柏林最高法院，適德國工學博士巴賀，（曾在膠濟津浦兩路任職）政治法學博士謀樂，（曾在青島法院服務）與君爲故交，因得介識德國諸名流學者，交遊日廣，見聞益多，更於歐美外交家之方略，心領神會，是以對於德華銀行之債務訴訟，據理抗爭，百折不撓，柏林法院卒直其言，判令德華銀行償還本息，義聲榮問，震耀中外，折衝長才，由是嶄然露頭角矣。三年七月回國，道出滬上，其故知淞滬警察廳長徐國樑，聘爲督察長，六年六月，開闢龍口商埠興築公司各股東，慕君才

名，舉爲總理，君抵龍口，卽相度形勢，慘澹經營，本近世最新學理，創建橋梁大堤，力排衆難，不避艱苦，未逾兩稔，而鉅工蕆事，規模之大，成功之速，東西人士，莫不歎服，八年冬，山東督軍張公樹元，省長屈公映光，專案特保外交人才，政府命以簡任職交國務院存記，九年秋，任命爲龍口商埠局局長，十年冬，以政績卓異，簡任爲龍口商埠局總辦，龍口初僅一海岸漁村，自此鴻基以奠，遂稱爲渤海良港，十二年夏，調爲山東省署參議，兩湖巡閱使吳公佩孚，知非凡器，聘爲顧問，初在龍口時，山東災振公會，推爲議董，經募振款，至百數

十萬，全活災民無算，是年秋，淞滬警察廳長徐國樑，突被暴徒狙擊殞命，君方在濟，聞耗馳往，爲之經營喪葬，撫視諸孤，其義氣熱誠，至今人猶稱道弗衰。十三年冬，鎮威軍入關，君應第一軍張軍長宗昌之召赴津，聘爲參議，時吳公佩孚，因二次直奉戰事失利，退駐湖北雞公山，張軍長與吳公爲金蘭交，素極欽重其品格，盱衡時勢，欲謀南北統一，奠定大局，必先直奉棄嫌修好，一致進行，而後國事方有可爲，乃派君往雞公山，晉謁吳公，慰問致意，至爲浹洽，君復命後，二次又奉派往黃岡，再謁吳公於決川軍艦，自此直奉兩派，水乳交融，

迨吳公晉京，與大元帥張公作霖攜手言歡，皆君爲國奔走不辱使命之所致也，張吳二公，因此均益推重君之爲人，十四年春，奉委津浦鐵路軍事善後特別貨捐局總辦，繼奉財政部委爲津浦全路商貨統捐局會辦，整躬率屬，涓滴歸公，弊絕風清，稅收頓形暢旺，及張公督辦山東軍務之命下，遂舉君縮領膠澳埠政，七月奉臨時執政段公祺瑞令，特任爲膠澳商埠督辦，君視事後，審知曆任積虧二百餘萬，非勵行減政，勢將破產，乃自行呈請縮小範圍，改爲總辦，深蒙政府嘉納，允如所請，簡任爲膠澳商埠局總辦，其公忠體國，不慕榮利，有如此者，十五

年八月，旅青德人斐師恆被殺，英人拉克涉有嫌疑，已拘獲矣，英領使美哲意存庇護，竟釋之，君乃嚴詞抗議，並懸重償偵緝，卒將正兇弋獲，是非曲直，於是大白，而英領美哲亦因此案去職，政府以君歷辦外交，具有卓識，特准以全權公使記名，十六年，兼任全省戒嚴高級執法官，十七年五月，省樞解紐，當內憂外患之衝，處孤立無援之地，君從容坐鎮，七嚙不驚，十八年四月，南京國民政府特派陳中孚爲專員，來青接收埠政，君於四月十四日通電去職，在任四載，處理內政外交，深知大體，出之以廉明，運之以勤敏，周旋壇坫，悉協機宜，瓜

代之際，將歷任積虧償清，猶有餘款七十餘萬，以交後任，中外人士，罔不歎爲不可及焉，解組以後，退居林下，淡泊自甘，意豁如也，其先世明清兩代，遺著頗富，乃蒐爲一編，顏曰東萊趙氏楹書叢刊，校印行世，藝林珍之，君前曾修膠澳志，編輯膠澳行政紀要，法令彙編諸書，復於餘暇，將德華債務，龍口工程，斐案始末，纂輯成書，以供政治家參考，其留心志乘法令，識見可謂加人一等，時國民政府諸巨公，夙耳其名，將賦弓招，以政見未同，婉言謝之。二十六年七月，蘆溝橋事變突起，全國騷然，君由青避地至津，十二月，青市當軸棄地

宵遁。秩序紊亂，羣情惶駭，北京臨時政府行政委員會委員長王公，以君前綰埠政，中外翕服，駕輕就熟，人地最爲相宜，命其來青坐鎮，遣使敦勸再三，詞極懇摯，會青市商民，亦迭電以請，京津鄉邦耆老，尤殷殷督促，君關懷桑梓，慨然回青，中外人士，公推爲治安維持會會長，兼復興委員會會長，是時地方殘破，民物凋零，行政機構，完全停頓，憑藉毫無，同於草創，君乃隨事因應，規畫興革，凡百庶政，次第推行，黎明卽起，午夜而息，殫精竭慮，恆至忘寢廢食，動用公帑。竭力撙節，復得中外各方之助，一年以還，市政頓復舊觀，迨

維持會結束，又移交市公署經費節餘達五十二萬餘元之鉅。二十八年一月，青島特別市公署成立，政府以君維持治安，勳勞卓著，任命爲青島特別市市長，君辭不獲命，賡續任職，乃益勵精圖治，期臻上理，仍本以前行政方針，以爲設施程序，庶政公諸衆議，用人務當其才，百度維新，輿論翕然，旋又奉命特任兼臨時政府委員，翊贊中樞，彌殷獻替，是年四月，日本東京方開都市會議，我國京津青濟甯滬各市市長，均被邀參加，君夙與日德英美國際名流，周旋酬酢，故言論風采，頗有東西外交家之氣度，東京市議會議長松永東先生，亟讚其爲政治

家市長，外交家市長，各新聞紙競相登載，可想見彼都人士，傾慕之誠矣。是年夏，政府實施大都市計劃，命將膠卽兩縣轄境，劃入青市版圖，疆域擴大，經緯萬端，以君之遠矚高瞻，宏猷偉略，樹勳於國家，正未有艾，蓋有非常之才者，必能建不世之功，君夙負大志，器宇不凡，自蘆橋肇畔，中原鼎沸，慨然有攬轡澄清之志，生平景仰諸葛武侯之爲人，嘗言武侯一生勳業，惟得力於謹慎，又服膺岳武穆文官不要錢之一語，筮仕以還，卽奉清慎勤三字爲圭臬，砥礪廉隅，潔身自好，翼翼小心，靖共弗懈，治事則公正嚴明，敏捷果斷，膽大心細，應

變有方，或遇疑難，則又虛懷冲挹，從諫如流，懸願聞已過四字於壁，以爲座右銘，昔曾文正善相人，君亦通此術，故知人善任，而交遊亦不濫，洵可謂庸中佼佼，鐵中錚錚者也，初義威上將軍張公宗昌解職以後，僑居大連，及日本別府等處，君不時派員前往問視，并常仗助其匱乏，後義威在濟遇害，葬於北京西山，君首倡集資植松柏多株，復購地數十畝，以廣其塋，所以酬報知遇者，無微不至，他如親族里鄰，孤寡零丁，及貧困無力婚葬者，復隨時任卹，又於本邑設立學校，俾戚族隣閭中子弟失學者，咸往肄業，時時推惠於鄉井，賴以存活者，

無慮數百家，君則樂善不倦，今且倍於往日，蓋其賦性慷慨，肝膽義氣，亦迥非常人所可企及，至其爲人之光明磊落，寬厚和平，守時間，重然諾，勇敢有爲，責任心重，事無鉅細，必躬親檢點，其在龍口膠澳商埠總辦任內，當代名公巨卿，交相推崇，先後聘爲顧問參議，以與君商榷國是，政府論功，晉至二等大綬嘉禾章，二等寶光嘉禾章，以是知其勳業彪炳，譽望日隆，非偶然也，君今年五十有九，而精神矍鑠，政務餘暇，又蒐輯其先世遺藁，得萬曆萊州府志八卷，此書爲海內孤本，向未刊行，今已付諸手民，公之於世，其志趣之高，豈非所謂

豪傑之士，大雅不羣者哉。

中華民國二十九年一月

416
183

終

